

浪穹縣志畧

浪穹縣志畧

浪穹縣志畧卷十二

藝文志

知縣周沆纂輯

五言古詩

標楞寺

明伍柳

獨有招提境攀躋
洱水潄湖光染客袂
送入翠微深
羅徑一峯轉冷然
鐘磬音松風吹不散
半作老龍吟

九氣臺湯池

歲貢李言恭邑人

昆湖碧且寒湖心變為嶼
九氣鬱氤氲蒸雲捧朝旭
竊比華清池疑有火龍伏
身垢人求湔行汚誰思沐

濯濯德芳馨
嚼然以內矚

護明寺即景感懷

國朝知縣
羅時昇
武陵

少陵昔有句
俗薄江山好
最念楚雲庵
簷蔔經霜老
又念我羅隄
楊柳搖風早
春來梨李花
秋初此碧草
霜天熟柿橘
垂垂車馬道
小邑受水災
源流白浩浩
徵輸寶因此
司牧罪誰保安
得告我后暫
寬秋夏考
兩年寶倍之
應不失常寶
俟後之仁人
此邦稱再造
我如陸放翁
每祭必望告
此事真要領
此志空潦倒
九氣臺

知縣

呂怡曾

漢軍
正紅

初日上東山
照見九氣臺
臺空何所有一
閣臨崔巍

居民三十家辛苦之貨財煎硝以為業顏色同煙煤
云臺亦非臺石形等伏龜有殼空其中元氣所胚胎
陽德散為九上與星昭回其下乃溫泉土人浴形骸
涓涓源既潔溶溶流復佳是誰言有物椎鑿從茲開
七日混沌死蒼天為之哀我聞山水德願與山水儕
幾日山水賓遂作山水裁溫泉自溫泉何關冷人懷
不採天生磺余意方悠哉

黃涵齋濬葡萄江建滙川橋

舉人楊鯨邑人

邑有葡萄江三江水滙注鳳羽暴漲橫鶴拓驚濤赴
此湖西洱源兩水左右附胡為各尾大強梁截主路

流逆城為壑田廬沒無數吁嗟此邦人架屋風雨露
使君攬轡來童叟歌何暮毅然倡淮川畚鍤趨如鶩
淤澱排尾閭循隄復上沂沙石趨之走水道仍還故
腹心與咽喉無復梗吞吐上有龍神祠棟宇皆丹雘
神也奠厥居蛟螭不敢怒猶惠民病涉徒扛本不固
輦石壯其趾跨空梁以樹瓦屋覆十間可步亦可住
以公濟川才小試經綸布感此三嘆息長歌為公賦

輓李茂軒繼母徐孺人

武鄉縣
知縣

王

崧

邑人

婦人重苦節所苦非一端貧為衣食累富愛門戶寬
緬維孺人節其苦更莫殫結褵年十八經歲傷孤鸞

夫宦不生還義當歸其棺舅姑既并在敢惜一身單
况有前室子死易立孤難家雖隔萬里故土誰能安
豈無父母親豈無兄弟懽從夫與從子臨別剗肺肝
行行遠骨肉道路甘摧殘自從魂輿發淚眼何曾乾
到家治家事事事驚旁觀舅姑忘于死兒免何怙歎
樹墓松風濤教子熊膽丸高堂養葬祭百務若鋒攢
憶賦柏舟日髮白心仍丹老萊斑斕舞孫枝茁桂蘭
七旬考命終泉壤相追攀在昔盟從一斯盟竟未寒
前膺綸翟貴今復表門闌節踰金石固形枯名不刊

子
集
六
八

九
一
二

三

七言古詩

登九氣臺真武閣

拔貢何邦漸邑人

平湖十里環煙翠何物中央騰九氣應知地底足陽
和火龍噴出湯泉沸湯泉一碧如華清紛紛澡浴來
遊人詠歌有時集童冠傍花隨柳娛芳春春花秋月
閑來往荒臺城市蓬檐敞天然勝迹營繕疎達觀幾
度孤清賞臺中况復擁龜蛇蜿蜒突兀相週遮齊民
亦識箇中景擬奉北帝成虛譁虛譁麗景還蕭索無
人點綴沂川樂地靈有分重花封仙令揮金架層閣
嶙峋直上欲干霄四顧翬飛跨六橋罷源北泛滄浪

艇蒲峽南轟灩澦朝煙暮靄低欄檻秀麥嘉禾望
中遍傳杯恍惚醉壺天吟嘯參差入雲漢宮牆從此
樹文標儼映雲岡瑞色饒地因景物增遊賞頻覺新
豐酒價高我從作吏遊江國岳陽記得先憂說投簪
浪抱杞人思相望庚桑愧頭白登臨此日共開顏向
隅尚切同胞難願借神功起昏墊年年載酒來遊觀
九氣臺閣成

知縣
李在公

十九峯頭拳一石墮來掌上幻靈蹟四時不敢擅寒
暄九氣常看流玉液玉液溫於鼎中沸其清如涇匪
如渭平湖四面突高臺直將九流泄九氣似鞭火龍

自祝融兼之伯鯨化黃熊玄天不欲輕飛舞故此潛
伏作蛇蟲數十年前作草萊絕無煙火傍臺隈邇時
漸蝕民床竈神奇空自揜莓苔天台與爾分緣深跨
鶴初來一訪尋華清漫向相言別靈應還須聽宓琴
四載鳴琴不下堂坐看九氣旺東方時有老人仗星
劍居然披髮下大荒問余何事苦嗟咨金馬碧雞溝
未奇吾家兩將南天下尋勝探奇總不知君在北斗
最豪華黑水相逢誼轉奢每將襖旆暗阿護前程君
自擁仙楂徙倚雪山巔羈栖點蒼麓搖落十九峯相
對眉頻蹙誰者靈臺堪注足長春千古託沂浴不將

姓字覆金甌也合功名登玉籙吾力猶能捍災患等
閑水火揮來慣一自褰帷有使君三江兩澗時清晏
但願有先復有殿君去如君長在縣回首西南九氣
高只餘滿地桃花片老人解劍曰余贈北行萬里憑
鞭鐙知余五岳且有期相期彼此還來興到處北極
老人家為誰特地走龜蛇紫霄淨樂渾閑事溫液瑤
池路未賒爾等羣迷太可憐須知九氣即玄天為我
長為萬法主管教湖海變桑田

問長星

布衣

何蔚文

邑人

長星長星爾何以掃參井射鬼柳吾不記何年戰何

年守厭聽金戈鐵馬聲已久食熊不肥嚼龍不專織
女停梭牽牛荒畝今用削月斧截去星尾首爾星敢
不晝匿夜伏免得人家流離四鄰哭不爾又見旌旗
紅吾不能如任公子騎白驢上雲中

大甸古松歌

國朝布衣 劉宏文

大甸古松亦何奇根株十二相參差怪質異形不一
狀擎雲吼露枝離披不知值自何年代腰圍結束青
銅皮高者干霄漢矮者卧山陂團者如偃蓋側者如
掣旗又如者僧胆腹伸其足且如高士林端對奕棋
其翩翾也更如鶴舞長廊勢欲下其怒號也又如龍

拿虎鬬牙爪搏人不可羈一松自是一松狀縱教善
繪難為施風霜飽歷先斤斧疑有神靈阿護之四時
青翠如膏沐蒼顏欲滴煙露垂予以探山過其處飽
看熟視心神怡一部清音傾入耳衣袂淅淅香風吹
此松真抱璞予亦擅交知便欲誅茅卧松側常將食
服餌松脂倦來彈琴讀書坐其下日與羨門全偃相
追隨

登激碧樓

知縣張坦 磁州

洱海尋源第一洲漁唱菱歌接鷺鷥日長恰得簿書
靜覽勝還登激碧樓樓高百尺層崖倚平欄一望皆

秋水澄浦參差荇菜明萬斛珠圓連地起白蘋紅蓼
兩嫣然雲影山容一鏡懸標榜西峙雄前席靈應東
來成比肩翻從水底看丹嶂忽捲天風吹白浪龍窟
蛟宮撼動搖反似波光在樓上西湖六月豔芙蕖我
謂西湖非太初圖得洱源粉本在一堤花柳竟何如

弔楊葉二先生墓

知縣黎

訥 順德

出郭未十里為訪潛龍庵潛龍庵前草沒脛豐碑大
字留天南雲是有明二忠墓道傍過者為停驂二忠
伊誰楊與葉從亡數載吞聲泣朝衫脫却換僧衣萬
里相依忍言別何期一病身先殂師失弟子師益孤

此時追隨祇程濟忍死全生豈天意為憶金川失守
時剃刀度牒誰所遺二公命名與暗合削此鬚髮猶
嫌遲燕王沈鷺素多忌網羅天下幾得之奇忠耿耿
竟獲免九泉惟有高皇知同時偕亡十餘輩姓名尚
有遺編載補鍋匠與河西傭欲弔忠魂竟安在只今
忠骨委遐陬山川生氣猶千秋若使孱王死葬此何
妨師弟同一邱可惜倦遊年已暮帝鄉久已重回顧
多却西山土一坏猶是不封還不樹

過柏節祠弔慈善夫人

訓導謝瓊
昆明

松明樓上筵未終松明樓下火光紅六詔同時付一

炬天昏地慘來悲風悲風咽處炎威助已墮陰謀出
無路傷哉白骨併成灰掃覓夫屍了無據慈善夫人
賢且明勸夫勿行夫竟行夫行早為尋夫地手把鐵
釧珠淚傾夫身已化鐵難化死守一城從地下豈似
息嬌歸楚王桃花復向春風嫁吁嗟乎蒙酋枉作羸
秦衣焉能十年傳子孫四姓遮更無寸土城表德源
今尚存存亡自古由天命日月爭光惟節行漢有阿
南元阿禮後先此地相輝映蒼山松火照晴雪洱海
龍舟釣明月風颺靈旗環珮歸年年遺恨星回節
占農石

土典史王芝成邑人